


~~11. Dez. 1954~~



XVII





DISSERTATIO INAUGURALIS MEDICA,
DE
INFOECUNDITATE
CORPORIS OB FOECUNDI-
TATEM ANIMI IN FOEMINIS,

Von
Der Unfruchtbarkeit Gelehrter Weibes-Personen;

Quam
AUSPICE DEO PROPITIO,
Et Consensu atque Auctoritate Grariosa Facultatis Medica,
IN ALMA REGIA FRIDERICIANA,
P R Æ S I D E

DN. D. MICHAELE ALBERTI,

SACR. MAJ. REG. BORUSS. AULICO ET CONSIST. MAGDEB.
CONSILIARIO, MED. ET PHILOS. NATUR. PROFES-
SORE PUBLICO ORDINARIO, etc.

DECANO H. T. SPECTATISSIMO,

Domino Patrono, Præceptore ac Promotore suo, omni honoris cultu prosequendo,

PRO GRADU DOCTORIS

SUMMISQUE IN MEDICINA HONORIBUS ET PRIVILE-
GIIS DOCTORALIBUS LEGITIME IMPETRANDIS,

HORIS LOCOQUE CONSVETIS,
ANNO MDCCXLIII. D. APRIL.

PUBLICÆ AC PLACIDÆ ERUDITORUM VENTILATIONI SUBJICIET

RESPONDENS

CARL GOTTFRIED RICHTER,

NOBILIS SCHEMNICIO-HUNGARUS.

HALÆ MAGDEBURGICÆ,
TYPIS JO. CHRISTIANI HENDELII, ACAD. TYPOGR.



77

DISSERTATIO INAUGURALIS MEDICA

DE
INFECUNDITATE
CORPORIS OB FOECUNDI-
TATEM ANIMALI FEMINIS

Ab auctoritate Reverendissimi Patris

IN ALMA REGIA FREDERICIANA
UNIVERSITATE

AB ALBERTO

PRO GRADU DOCTORIS
IN MEDICINA HONORIS ET PRIVILE-
GII DOCTORATUS FREDERICIANA

CARL GOTTFRIED RICHTER

HAERLE MAGDEBURGICAE
TUM JO CHRISTIANI HEMMELI ACAD. TYDOR.



VIRO
ILLVSTRI CONSULTISSIMO
ATQVE
EXPERIENTISSIMO
DOMINO
DAVIDI SAMVELI
MADAI,

HUNGARIÆ NOBILI, SERENISSIMI PRIN-
CIPIS ANHALTINO-COTHONIENSIS CONSILIARIO
AULICO SPECTATISSIMO, ARCHIATRO PRI-
MARIO, MEDICINÆ DOCTORI CE-
LEBERRIMO,

F R A T R I

OMNI HONORIS ET AMORIS CULTU
PROSEQVENDO

D. D. D.



VIR ILLUSTRIS CONSULTISSIME,
ATQVE EXPERIENTISSIME,

FRATER OMNI HONORIS ET AMORIS
CULTU PROSEQVENDE,



Quantopere generosa
TUA frons hoc quod
quod est sinceri animi
recusaverit monumentum non me qui-
dem latet: attamen quotidie amicissimi
FRATERNI amoris cumulatis indiciis,
qua fronte aut quo quæso colore, quem
TIBI debeo gratissimum animum ul-
tro pectore obstrictissimo recondere
po-

potuerim? Veneranda antiquitas, quæ
invenit inventa medica tabulis ceratis
Aesculapii templo adfixis, nil significa-
vit aliud, quam quod ea, quæ recte di-
vina pronuntiavit, sint in Deorum me-
moriæ, pro favore eorum, simul & san-
ctissimis mœnibus recludenda. O egre-
gium ergo grati animi exemplar! Quo
pensitato, quum primitiis his studiorum
TU idem FRATER OMNI HONO-
RIS ET AMORIS CULTU PRO-
SEQVENDE auspicante DEO nun-
quam favere desiisti, nonne igitur hæc
ipsa optimo iure Nomini sunt adscri-
benda TUO? Sine igitur pietati locum

ac



ac permitte, ut hac quæque est occasio-
ne, quæ obstrictissimus Fraternalis exi-
git cultus palam declarare; sicque ad-
precando TIBI Nestoreos annos, pri-
mitias has Nomini TUO consecrare
mihi non illicitum sit. Ceterum vale
nec favere illi, nec amare eum desine
qui TIBI semper est & erit,

VIR ILLUSTRIS, CONSULTISSIME,
ATQUE EXPERIENTISSIME,

FRATER OMNI HONORIS ET AMORIS
CULTU PROSEQVENS,

Frater deditissimus

C. G. R I C H T E R.





PROOEMIUM.



Benefica utique, liberalis atque frugalitas Natura rerum in placido & æquo suo ordine, divina iubente & dirigente clementia existit, ut cornu copiarum donorum & bonorum suorum omnibus benigno influxu aperiat: ideo omnia subiecta naturalia, viva æque ac

alia certis viribus & facultatibus prædita, certis etiam usibus & applicationibus destinata sunt: imprimis autem inter alias affectiones fecunditas naturalis annotari & celebrari meretur: quare HUGO testatur: *Natura est vis quædam creatrix & potentia divinitus rebus insita, alia ex aliis in suo genere producens.* Haud enim causa illa, quæ natura dicitur, otiosa, sed exquisite assidua & negotiosa est, modo quoad vires suas & modos atque ordines operandi non pervertatur & seducatur. Maxime autem illa admodum frugifera & fecun-

A 2

fecun-

m
 fecunda salutatur: ideo principium nativitatis, generationis atque ortus vocatur, uti THOMAS *Part. 1. qu. 29. art. 1.* dicit, quod *natura a nascendo* prædicatur & derivetur, quia *ea nasci facit omnia*. Facile itaque patescit, vim multiplicativam a creatore, diversis subjectis, præcipue vivis, sive ita dictis animatis inditam esse, animalibus videlicet sub ordinato connubio & conjugio, vegetabilibus itidem per eandem inhærentem facultatem: sicut attentione dignus est sapientissimus ille ordo, quem benignissimus Creator constituit & fundavit, ut creata animalia speciebus suis viva congregaverit, & Evam ad Adamum duxerit, & ita socialitatem, œconomiam atque mutuum adiutorium instituerit, & dein mandatum multiplicationis, aut propagationis naturalis ad perfectionem creationis & ordinis divini ediderit; Quare facultas fertilitatis & fecunditatis, statum naturalem firmum, felicem, integrum, opulentum, atque omnibus modis beatum complectitur: hinc Patriarcha Jacobus inter alias benedictionis species, etiam uberum & uteri nomen exprimit: nec desunt in sacra & profana historia testimonia, quod proliferae gentes atque familiae pro beatis & fortunatis habitae fuerint: sicut contra uteri oclusio pro singulari iudicio divino & ignominia aestimabatur: & dum Rachel a Jacobo petit, ut liberos ipsi conciliaret, is respondit iratus, quasi vero ego pro Deo sim, qui prohibuit a te fructum ventris. Quam principalis hæc naturæ qualitas est, tam perniciofa, fastidiosa & adversa est infœcunditas & sterilitas, ut propterea
omnia

omnia subiecta, conamina & negotia fructu vero, bono & salubri destituta atque vacua, vulgo sterilia dicantur: hinc sterile caput, steriles manus, sterile solum, sterilis labor, sterile pectus &c. vulgo indicari & accusari solent; sub qua denotatione eximius naturæ defectus propalatur: quemadmodum illi, qui futilia & inutilia agunt, sterilia tractare dicuntur. In hac itaque sterilitate magna hæret imperfectio, quæ qualitas si fœminis tribuitur, eximium vitium naturale comprehendit; ob id in populo Israelitico æque ac inter ethnicas gentes sterilitas in gignendo ignominiosa fuit, (conf. ER. FRANC. Trauer-Saal Pars II. n. 4. p. 88.) juxta versiculum: *Conjugium sine prole, est quasi dies sine Sole*, quasi singulari divino iudicio talis persona hac principali naturali virtute privata, aut irata natura hac dignissima facultate indigna reddita sit. Hæ qualitates etiam ad animi facultates referri solent, ideo homines facile & cito bonas cogitationes, utiles inventiones, sobrias dijudicationes aliasque dignas mentis operationes proferentes & prompte formantes, fœcundo ingenio exornati & præditi esse dicuntur: unde generatim subiecta, quæ cito, sæpe, efficaciter, prompte aliquid fructuosum formare, producere & generare possunt, aliis debitoribus & segnioribus præferuntur. Inde porro facile liquet, quod sterilitas animi & corporis, vitium naturale sit, & consideratu dignum defectum aut memorabilem imperfectionem denotet: utraque variis modis procurari & diversis causis provocari potest: minime enim ita *invisita est natura*, ut Cicero *V. Tuscul.*

qu. 27. asseveravit, dum post lapsum hominis non quidem quoad essentiam, attamen quoad vires & operationes suas admodum mutabilis & in multos errores atque novos prona existit. Et quamvis facultas naturæ humanæ fragile & corruptibile suum corpus conservans, ac sanitatem atque integritatem sui domicilii formans, eximia sit, tamen altera qualitas, qua suæ speciei novum individuum atque prosapiam gignit, indeque naturalem suam fecunditatem prodit, dignior sane atque nobilior existit. Quam abscondita autem porro hæc vis multiplicativa est, tam attenda mente divina illa directio in hac frugifera qualitate cooperans considerari meretur. Merito itaque Benedictionem Dei in hoc fecunditatis negotio pii viri concelebrant, ita enim Magnus quidam Theologus ait in der Kirchen-Postill die Crucis inventæ p. n. 1242. daß ein Weib ein Kind trägt, hat sie von den Segen, den Gott sprach über den Menschen Genesis, da ihnen Gott einen solchen Wunsch und solch Gut gab, daß sie wachsen und sich mehren sollen cap. I, 28. In Kraft des Wortes gehets zu, wann das nicht wäre, so wäre keine Kraft da, also, daß das Vermögen alles kömmt aus den Wort; sonst wann alle Menschen zusammen thäten, würden sie nimmermehr ein Kind zu bringen; Gottes Wort macht allein Kinder: & hæc firmissima veritas multis aliis testimoniis confirmari potest. Quare sola natura humana non sufficit, quo hanc facultatem in actum & usum ducat: Verbum illud Majestaticum Crescite & multiplicamini in hoc negotio potentissimum & efficacissimum est; Naturalia & materialia media hanc facultatem,

tatem, ubi deest, largiri haud possunt: quamvis etiam divino mandato mulieri impositum sit cum dolore parere, insuper suis animi viribus, imprimis imaginatione magnam vim habeat in generationis negotium, ad foecunditatis facultatem augendam, minuendam, impediendam, mutandam, sufflaminandam, ut propterea quaestio mota fuerit, utrum foemina absque mare concipere & generare possit? *conf. Casp. REJES. Camp. Elys. juc. qu. 45. Caspar. BRAVO Resol. Med. Part. 1. disp. X. resol. 5. SINIBALDUS Geneanzbr. Lib. I. rr. 3. c. 6. p. 54.* ideo hanc opinionem GALENUS absurdam esse declaravit, quod videlicet foemina sine mare generare queat: hinc nonnulli illam historiam de *puero ex imaginatione nato*, quam BARTHO-LINUS *Cent. VI. Histor. 61. & Cent. 3. Ep. 83.* recenset, pro fabula habent, *conf. Ep. Guido PATYN. Doct. Paris. ad Bartholinum.* PAULLINI *Zeitfürhende Lust P. 1. obs. 85. p. 216. Erasmi. FRANCISCI lustige Schaubühne P. 2. p. 121.* tamen almus Creator ad marem & foeminam dixit, *crecite & multiplicamini*: ut ut etiam Deus omnipotens ad solum Jacobum dixerit *Genes. 35. v. 10.* propagato genus tuum multipliciter, nihilo tamen secius adhuc ille duas uxores & tot vicarias uxororum ancillas habuit: ob id jocosè differit idem Theologus in Scripto Schem Hamphoras: *Es solte ein gar seltsames Wesen werden, wann unsere Töchter, Jungfrauen und Wittwen, wollen uns das Haus voll Kinder setzen, und sagen, sie hätten an Schnee gelecket und hätten sonst keinen andern Vater. O! nein, man lecket die Kinder nicht an Schnee. Moses sagt Genes. I. es gehöre ein Mann-*

Männlein und Feulein dazu, Gott wolt auch den Seegen nicht geben zur Leibesfrucht, biß er sie beyde geschaffen und zusammen gegeben hatte. Præter ordinem hunc divinitus institutum & cœlestem benedictionem, quippe principalissimam causam Fœcunditatis humanæ, plures aliæ secundariae annotari & conciliari merentur, quæ passim jam a medicis indicatæ sunt. Nobis præfenti opella atque Inaugurali tractatione placuit opposito respectu Generationis negotium quoad specialem quandam causam, altioris indaginis, paululum dijudicare & INFOECUNDITATEM CORPORIS OB FOECUNDITATEM ANIMI IN FOEMINIS, quantum ratio dicitur, & observatio comprobatur, annotare & explicare. Quod propositum, ut divina gratia prospero successu beetur, est quod in ostio hujus tractationis humillime precamur.

§. I.

IN *Sterilitatis* naturalis humanæ indagatione multum laborem omni tempore impenderunt Medici, ut non solum hoc fonticum *vitium naturale* intimius cognoscant, sed eidem certius & perfectius mederi queant; Quam multæ vero causæ, talem defectum provocantes, communiter quidem recensentur, tamen quædam illarum vel plane non, vel insufficienter attenduntur & allegantur. Argumentum itaque tractationis præsentis circa privationem aut carentiam facultatis naturalis, concipiendi præcipue, proinde etiam *legitime* conservandi, gestandi & pariendi sanum, integrum & vivum fœtum

fœtum versatur, in quo Processu principalis & fundamentalis respectus circa facilem ac firmam conceptionem occurrit; qua deficiente reliqui connexi sequentes actus æque deficiunt: Hunc defectum igitur *infœcunditatem* corporis vocamus, quæ *generatim* complectitur *impotentiam generandi prolem*: sed quoniam hic defectus in viris æque ac fœminisprehenditur, ita nostrum propositum est, de hac *ineptitudine* in *fœminis* disserere, & quidem *non singulas* illius *naturales* causas inquirendo, sed unicam ex omnibus præcipuo studio atque respectu significando & eruendo. Est itaque hæc Infœcunditas corporis in fœminis *impotentia naturalis concipiendi, gestandi & pariendi legitimo modo fœtum humanum*, quippe qui actus *collectivo* sensu intelligendi sunt. Hæc ineptitudo vero non confundenda est, cum sic dicta *Frigiditate*, quam amplifice explicat ZACCHIAS *Qu. med. leg. Lib. 3. tit. 1. qu. 5.* fœmina enim frigida illa dicitur, quæ in affectu, instinctu & actu generandi quoad animum torporem, languorem, negligentiam, segnitiam, incuriosam aversionem, quoad corpus autem in genitalibus partibus nullam vivacem applicationem, nec naturalem stimulum, aut carnales illecebras experitur, quæ tamen si cum mare commercium carnale init, concipere aliquando, imo plane parere potest: hæc autem infœcunditas, de qua nobis sermo est, adesse potest in fœmina, quæ quidem cum affectu amoris cum marito perfectam copulam carnalem sine ullo defectu physico, aut dolore partium perficit, attamen non concipit, sed *sterilem* expectationem fovet, *cujus vorum* proliferum *vanum* & vacuum est: Et quod magis est, tales fœminæ interdum corpore *comparate sanæ & integræ*

B
sunt,

sunt, aut tales *videntur*, quæ tamen *infecundo* fruuntur matrimonio, licet culpa evidens in *maritum* conjici *hæud* queat. Hæc *infecunditas* porro aliquando *totalis* est, quando tales *fœminæ* per totam vitam nec concipiunt, nec pariunt; interdum particularis existit, dum vel *raro*, parum & *ægre* concipiunt, vel sub *gravitate* multas & singulares plane *molestias* experiuntur, facile *abortiunt*, *fœtum* ad *completum* & legitimum terminum non gestant, *præmature*, aut valde *difficulter*, aut *mortuum* plane *fœtum* pariunt, atque ita in hoc negotio multis *araxiis* & detrimētis obnoxia sunt: Nec porro de *infecunditate* *Fœminarum* dubia & *equivoca* nobis sermo est, quando ejus causa & culpa nec in *marito*, nec *uxore manifesta* redditur; si *zalis* mulier post *primum* *infecundum* matrimonium & obitum *primi* mariti, in *futurum* cum *altero* marito *fœcundum* & proliferum experitur conjugium: in quo casu antiquiores medici *adversam* qualitatem & *contrarietatem* corporum, temperamenti, humorum, imprimis seminalis liquoris & genituræ obscure accusarunt, & fallaci *præsumptione* adduxerunt: ubi *infecunditas* clandestina & *relativa* allegatur: *conf. P. ZACCHIAS Q. M. L. L. 4. tit. 2. qu. 8. n. 68. sq.* Quando vero præsentī themate *Corporis* *infecunditatem* pro objecto tractationis nostræ selegimus, tunc intelligimus *impotentiam concipiendi*, *continendi* & *pariendi* *fœtum* in & cum *corporeis* organis, ad hunc processum *generationis* destinatis ac idoneis: non vero causas *corporeas* aut in *corpore* *fœminarum* indagandas & accusandas, ad hanc sterilitatem disponentes, quæ ab ipso *actu* & facultate generante discrepant; Hæc *infecunditas* porro vel in *absoluto defectu* & incapacitate consistit, vel

vel aliquali *difficultate*, offensa, avocamento & *impedimento* nititur, ut huic negotio inhærendi *vires* & circumstantiæ non permittant, nisi *tempestive* hæc *obstacula* removeantur, ut hæc facultas in liberum & *naturalem* ordinem, quoad hunc processum, progredi queat: quando vero hæc *vincibilis* infœcunditas diutius continuat, tunc in talem *habitum pertinacem* degenerat, qui nullo ulteriori consilio & auxilio corrigi & emendari potest: Unde generatim liquet, quam clandestina & *intricata* hæc sit sterilitas, quæ *intimiores* radices habet: id quod præmonere placuit, quando præsentis titulo & argumento aliqualem lucem affundere placuit.

§. II.

In hanc infœcunditatem Fœminarum indagandam plurimum operæ medici omni tempore impenderunt, ut notabilem hunc defectum facilius corrigere & curare possint. Ast si illorum scrutinia perlustramus, communiter causas *materiales*, ad hunc defectum contribuentes, accufarunt, & multiplicia interna & externa *vitia organorum* muliebrium recensuerunt, quæ in *vivis* & *demortuis* fœminis detecta fuerant: modo *uteri* varias *vitiosas* qualitates, nimis calidam, valde frigidam, nimis humidam, laxam, mollem, debilem, impuram &c. indicarunt: alibi culpam in *genitolem liquorem* conjecerunt, modo in *seminum disconvenientiam*. v. P. ZACCH. *Lib. 3. tit. 1. qu. 6. n. 11.* modo nimiam siccitatem, arctitudinem, amplitudinem &c. indicarunt; quam *verbosè* itaque arque effusi in *ratium* causarum commemoratione fuerunt, tam *compensiosè*, aut plane *obliviosè* in *aliarum* fonticarum causarum indagatone & commemoratione illi medici extiterant,

ut propterea eorum inventis & observationibus semper aliquid addere restet. Nec quidem negandum est, *varias* ad hanc sterilitatem *absconditas* contribuere causas, quæ *post mortem* demum *salium* sceminarum sub inquisitione & Sectione corporis oculis & cognitioni se submitunt. Sed supersunt tamen *quædam* causæ, quas plurimi *varius* agnoscunt & allegant, quarum notitia tamen multum in matrimoniis ineundis & deliberandis juvat; quando multum etiam refert, quo familiæ de stemmatis sui propagatione sollicitæ sint: ita porro hæc facultas generandi inter naturales sic dictas causas etiam *hæreditariæ* dispositioni obnoxia est, dum nonnullæ familiæ *perquam prolificæ* & *secundæ* deprehenduntur, aliæ autem minus tales: quemadmodum enim aliæ facultates mentis, vires corporis, functiones in œconomia sanitatis & vitæ, peculiare operationes, inventiones, ingeniositates, proclivitates, inclinationes &c. vitia & virtutes, functiones animales, vitales, naturales diversis gradibus, modis, ordinibus, directionibus, modificationibus discrepantes *hæreditariæ* propagationi obnoxie sunt, ita etiam *hæc* facultas *generativa* in sexu sequiori per *hæreditatem* nunc *vigori*, alibi *languori*, modo *facili* & liberali progressui, alibi *defectui* submissa est. Idem etiam de *nonnullis* populis constat, quorum *quidam* valde *secundi*, alii *infecundi* deprehenduntur, in quibus frustra causa in *constitutione corporis* quæritur, licet remote interdum *Aeris* intemperies, P. ZACCH. *Lib. 3. tit. 1. qu. 1. n. 15. locus, clima, regimen, vita genus, diata* eo aliquid conferre videatur. Huc pertinent homines liberis & conjugali socialitati *insens*, qui *minori* fecunditate instructi esse deprehenduntur, in quibus

bus maxime *morale rædium*, fastidium, invidia, *solicitudo*, avaritia, tenacitas, *morositas*, *dissidium* &c. accusatur: P. ZACCH. L. 3. tit. 1. qu. 1. n. 29. Sic homines *extra patriam* in *peregrinis* locis viventes, in novas & *exteras* provincias emigrantes, *novas* colonias erigentes, in exilio & captivitate viventes, ob *retrogradam* recordationem patriæ æque *minus facundi* esse observantur, imprimis si animus desiderio in præterita loca & tempora, aut clam aut manifeste flagrat: idem etiam valet de familiis aut *coacte*, aut cum animi *repugnante* affectu & *dissensu* in *incultra* loca delatis, aut aliorum in captivitatem ductis: nec silentio prætereunda sunt *coacta* matrimonia, multis *adversis animi* affectibus piperata. Quid *discordia* & *dissensus animorum* in personis conjugatis ad *infecunditatem* contribuant, non modo attente observandum est, sed passim Medicis comprobatum legitur: ita ZACCHIAS L. V. tit. V. qu. 5. n. 9. 10. inquit: *odium* & *malevolentia* conjugum *generationem impedire potest*, teste AETIO lib. ult. c. 26. - - *odium impedit conceptionem*, *amor conciliat genituram* & *conceptum*: & Lib. 3. tit. 1. qu. 1. n. 29. *Generationem impediunt simultates* & *odia inter conjuges*, *conf. tit. 2. qu. 8. n. 31.* ita AETIUS l. c. inquit, *inviti concubitus inanes ac steriles sunt*, *amor enim genituram conciliat*: huc referri meretur suffragium Rod. a CASTRO de Morb. Mul. Lib. 3. c. 2. p. 223. Nec desunt testes Medici, qui dum causas sterilitatis recensent, easque in rebus non naturalibus inquirent, communiter *animi parbematum* mentionem faciunt, sicut *Sinnibaldus* imprimis in *Geneantbr. Lib. 6. tr. 2. cap. 1. orr. 5. p. 614. seq.* præ aliis paulo amplius hanc observationem tractat: quod videlicet crebra odia, diffidia, multæ

B 3 rixæ,

rixæ, indignationes, frequens terror, timor, mœror, & angor sterilitatem causentur; nec medicis ignota est observatio, quod crebra *ebrietas* in fœminis sanitatem mentis & corporis, & per connexionem facultatem generatricem valde corrumpat, imo plane destruat: *conf. D. PRÆSIDIS disp. de Ebrietate fœminarum ff. 7. p. 25.* Neque in observatione medica incognitum est, fœminas *turbulento*, inquieto, *impetuoso*, præcipiti, *impatienti*, mutabili, *moroso*, inordinato & immoderato animo præditas, aut *infœcundas* esse, aut ad *sterilitatem* inde valde *præparari*. Quæ singulæ causæ in hac tractatione sterilitatis fœminarum probe attendendæ & conferendæ sunt, licet hæctenus vel parum, vel superficialiter annotatæ fuerint: suffecerit in observatione & veritate facti innumeris exemplis confirmatum esse, *animam* suis viribus, moribus, inclinationibus, affectibus, consuetudinibus magnam potentiam atque *influxum* in *fœcunditatis* & infœcunditatis muliebris facultatem habere.

§. III.

Seriem illarum *causarum*, sterilitatem inducentium, ingrediuntur etiam multæ aut continuæ *operosæ*, intricatæ & *profundæ* cogitationes, quæ animum valde afficiunt, *distrabunt*, avocant, aliisque negotiis *implicant*: ideo MUSITANUS *de Morb. Mul. c. 4. in Curatione* dicit: *animi passiones, ut ira, rixa, tristitia, invidia, timor & profundæ cogitationes fugiendæ; eæ namque uterum feriunt, conturbant, ejusque œconomiam ita subvertunt, ut sterile fiat*: &c. tales profundas cogitationes SENNERTUS etiam accusat *Prax. Lib. 4. Part. 2. Sect. 4. c. 2. sub Dieta*: quod ad sterilitatem disponant; non minus *Ludov. Lobera de AVI-*

IA de Sterilitate Mulierum significat, quod *lucubrationes animi multæ, ac profundæ meditationes, nec non virium mentis fatigationes sterilitatem causentur*; p.182. sic SAVANORALA in *Pr. maj. Tract. 6. c. 21. rubr. 24. p. 273. a. accidencia animæ superflua, superfluum gaudium &c.* ad causas sterilitatis refert. Communiter etiam in sterilitatis tractatione medici *intemperiem* fœminarum nimis *calidam*, nimisve *frigidam* improbare solent, quæ partim ad *corpus*, partim ad *animum* extendenda est: quare fœminas *nimum libidinis* oestro flagrantes, aut in aliis animi affectibus, quamvis *non* adversis, velut gaudio, hilaritate, appetitu, desiderio, cupiditate æstuantes & *excedentes*, infœcundæ magis deprehenduntur: ideo etiam medici hujus causæ curatiorem rationem habentes & judiciosam conciliationem instituentes, quoad *mores, inclinationes & affectus animi moderamen* præcipiunt & commendant. Hæc causa, quæ in *animo* sedem suam habet, & ut plurimum fugitiva contemplatione & superficialia meditatione annotatur & allegatur, quæ tamen altioris indaginis est, quando causæ *manifestæ*, ad *corporis* constitutionem pertinentes, non inveniuntur, permovit nos, ut *hujus* infœcunditatis in fœminis *fœcunditatem animi* causam indicemus & paululum explicemus: Per hanc *fœcunditatem animi* intelligimus intensiorem, frequentiore & ardentiore usum rationis, aut intellectus, aut exercitior operationem mentis in scientiis sublimioribus, alias sexui *sequiori non* usitatis, qua *vires animi*, cæteroquin firmiores, potentiores & acutiores ad *negoria sexuum* magis concernentia, applicare solet: attamen *nonnullarum* fœminarum *animus* interdum ad *altiora* negoria & *extra-*

extraordinariam mentis culturam & perfectionem spirat, unde feminae *sapientes*, & exquisite doctæ prodeunt: in quibus itaque tam fecundus animus *imperat*, qui non facile officia *vulgaria muliebria* tractat, quæ viliora, ignobilioraque æstimantur, sed porius alia, *viris sapientibus* familiaria magno acumine atque ardore exercere & perficere nituntur: Non quidem hujus loci est *illam* quæstionem ventilare, an illa capacitas mentis & *eruditionis* acquisitio & cultura non cum natura inferiori & *inferiori* scæminarum *repugnet*, quæ alias *debile* organon vocantur: id brevibus solum asserimus, scæminas non ad verticillum, colum, acum, ollas, linum & lanas tantum natas & destinatas, sed æque *sufficienti* mentis capacitate & *robore* præditas esse, quod plurimæ in negotiis, sexum hunc maxime decentibus, exercent: nihilo tamen secius *tales* etiam *animi* dotes & qualitates possident, quibus *scientias sublimiores* tractare & acquirere possunt: nec cum *exclusione* *aliarum* scientiarum & artium addiscendarum de iisdem valet: filia subtilia nebat sub tiliâ filâ: quis adeo *objectas* censet scæminas, ut singulas membra Societatis netricum caligarum esse arbitretur: cur vulgari disterio vocantur sorores Evæ; cur plurimæ earum vafrae, imperiosæ, præcipitantes, rixosæ, verbosæ, garrulæ, eloquentes, illecebrosæ, inquietæ &c. sunt: cur plurimæ *agrestium* scæminarum *comparate* prudentiores, quam *masculi rustici* rudes & trunci sunt: quod enim *obsoletam* illam opinionem concernit, scæminas *humidiorem* & *frigidior* naturam corporis possidere, *conf. P. ZACCH. Q. M. L. L. i. tit. i. qu. 6 n. 51.* id sub curatiori scrutinio veritati *non absolute* responderet, ut propterea assertioni *Joannes HUARTES*, Medici Hispani, non subscri-

scribamus; quando in *serutinio ingeniorum* c. 21. p. 605. differit: *femella ob rationem frigiditatis humiditatisque sexus sui, profundum aliquod ingenium consequi non possunt*: quare a nonnullis quæstio moveretur, unde plurimis sceminarum donum *loquacitatis*, flumina verbosa, facundia dicendi? ut Rhetoricam aut Doctrinam eloquentiæ agere queant! quamvis plurimis illud consilium suppeditandum sit, quod HECTOR & TELEMACHUS dixerunt: *domum adeuntes vestra quæ sunt curate, telam & colum, ancillas jubete opus facere suum, bellum autem & consilium viris relinquire*, aut quod CLAUDIANUS *Lib. 1. in Eutrop.* cecinit: *tu potes alterius studiis hæere Minervæ, tu telas, non tela pati; tu stamina nosse, tu segnes operam solers urgere puellas*: *conf.* de hac quæstione, an scemina non ad *virilem prudentiam* & intellectus usum pertingere queant SAUERBREY *de sceminarum eruditione* tbes. 1. s. 9. sq. *Guiliel. Ignat. SCHÜTZ, JCr. & Cancellarius Fuldenfis* in libello hujus argumenti peculiari.

§. IV.

Nec etiam argumenti nostri *nervus* postulat sceminarum *doctarum* exempla, quæ sane non *rara* sunt, recensere; in quo studio variorum authorum collectiones laudem merentur; pertinent huc *Joh. Peresius MOYA*, qui eruditione celebres sceminas in *Hispania* annotavit: accedit *FIRAQUELLUS* in *LL. Connub. L. XI. gloss. 1. p. 182. sq. & de nobilitate cap. 31. n. 321. p. 196. sq.* ubi magnus numerus eruditarum sceminarum allegatur: addimus *GUEVARRAM* in *Horol. Princip. Lib. 2. c. 32. 36.* *SPANGENBERG* in *Specul. Nobil. L. 13. c. 6. sq.* *PASCHIUS* in *Gynecæo docto*, *HENDEL & SAUERBREY* in *dispp. de femin. eruditis*, *SIEGM.*

C

v. BIR-

v. BIRCKEN im Ehren-Preis des Frauenzimmers, MORHOF
*in polybistore possim vid. index tit. femina doctæ, Christ.
 Franc. PAULLINI Zeitförgende erbauliche Lust P. 2. obs. 93.
 p. 1097. von gelehrten Frauenzimmer in Teutschland P. 3. obs.
 186. p. 119. vom wüthigen Weiber-Regiment: id. in Philos.
 Feyer-Abend obs. 5. p. 140. ZWINGERUS in Theatr. vit. hum.
 Ravisi officin. præter multa alia testimonia, quæ spar-
 sim de eruditæ scæminis diversorum Regnorum tractant:
 Hoc ordine autem non *indiscretim* illas eruditæ vocamus,
 quæ tantum nonnullarum linguarum exterarum notitia
 gaudent, aut in germanica *poesi*, aut superficialia & cur-
 foria *Logica*, aut *Historia* profana aliqualem cognitionem
 habent, & *memoriæ* magis, quam *judicii* usum & cultu-
 ram possident: in qua scientia facile quidem proficere pos-
 sunt, si *aliquali* perspicacitate & alacritate mentis prædi-
 tæ sunt: talem itaque eruditionem in *nuce* aut *compendio*
 multæ scæminæ *comparare* facilius assequi possunt: nos
 contra *fundatam*, solidam magisque *perfectam* atque am-
 plam, *judiciosam* & realem, *practicis* usibus rectius con-
 venientem eruditionem intelligimus, quæ *majorem* cele-
 britatem habet, quam altera, quæ in nuda *speculatione*,
 curiositate, & *memoriæ* usu consistit, in quam posterio-
 rem variæ scæminæ sciolæ, *nouitatis* avidæ, nugaces, *am-
 biosa* & nimix confidentiæ præjudicio laborantes, per-
 quam *inclinant*; quæ sibi valde placent sapiuntque, &
 meritorum suorum *encomia* adomdum *amant*; cum vicissim
exquisitius eruditæ subinde etiam *prudentes* sint & re aut
opere magis, quam *verbosa* ostentatione capacitatem su-
 am memorabilem & *admirabilem* comprobent. In hac
 classe autem eruditæ scæminarum plurimæ in historia
 litte-*

litteraria *virgines* fuisse & *extra* matrimonium vixisse, præterea etiam plurimæ earum non longiorem vitam attigisse, recensentur, de quarum fecunditate tamen judicare non ratio permittit, interim illa pariter *observatio* in *historia naturali* attendenda est, quod tales scæminæ, magna eruditione claræ, æque *civius* moriantur, ac *masculi præmatura* eruditione celebres: id interim ad *rationalem* suspicionem formandam inferuit, si juvenis *celsioris* stemmatis virginem in *matrimonium* ducere cogitat, cujus *eximia* eruditio inclaruit, non adeo *fecundum* inde conjugium expectandum esse, nec exemplum Wendelæ Skytte Baronissæ, cujus STIERMANN in *Bibliotheca Suiogothica* p. 597. mentionem facit, quæ *trium* liberorum *mater* facta, sed vicesimo primo ætatis anno e vita discessit, ad plurimas reliquas eruditas extendi & referri meretur: & si *Luisiæ Sergiæ* incomparabilis pudicitia a Jo. VASÆO in *Chronico Hispanico cap. 9.* laudatur, tamen e contrario de *Ludovica Labea* in *Act. Erud. Lips. An. 1735. Octobr. p. 478.* testimonium perhibetur, quod *minus* casta fuerit. Alias quidem *fecunditas* animi, & bonis scientiis locupletata mens ex *moralibus* etiam principiis pollutionem corporis & *incastratam* abhorrescere & *fugere* discit, cui libidini naturali mens *sobria* se ægre mancipare solet: hinc cultura *intellectus* præparat etiam homines, ne *lascivis* illecebris velut *bruta* obtemperent, quin rectius attentius *damna* inde metuenda scrutentur, atque ita ethnica quadam & naturali sapientia vitium impuritatis mentis & corporis odio prosequi & quadantenus evitare queant: vera itaque atque *sincera* eruditio, quæ bona *utilia*, *honestæ* & *salutaria* cognoscit, horum acquisitioni & usui etiam



operam dat: & quoniam *puritas* corporis & castitas mul-
rum *salubritatem* naturalem & integritatem *moralem* pro-
mover, ideo *ur plurimum* sceminae eruditae, secundum re-
liquam pudicitiam, sexum ornantem, abstinentiae a *libi-
dine*, imo odio incastitatis student, insuper rectius *facun-
ditati animi* operam dant & negotia inferiora & *indignio-
ra* aut nihil aestimant, aut minori cura tractant; unde et-
iam constat, quod sceminae *profundius* meditationibus
singularibus *theologicis* & simul *mysticis*, inhærentes matri-
monium *aversentur*, idque pro *impuro* statu habeant, inde-
que in *perversas* opiniones, statui *naturali*, a Summo
Creatore instituto, *contrarias* delabantur.

§. V.

Ad ipsa *Subjecta* quod attinet, quæ ob *selectam* & exi-
miam fecunditatem animi, *corpore suo* infecunda reddun-
tur, tunc illa *peculiaribus* animi & corporis qualitibus
prædita esse deprehenduntur; quoad animum magna cu-
ra & *operoso* studio contemplationibus & meditationibus
doctis indulgent: etenim dum *vires* animi in sceminis *rene-
riores*, sensibiliores & *debiliores*, quam in masculis sunt,
ideo in illis cultura mentis & scientiarum magis *laboriosa*
& difficilis est, ideoque *operosiori* applicatione eruditio-
nem prosequuntur, ut propterea *aliis* negotiis, ad *sexum*
hunc communiter spectantibus, *aquali* tenore & ardore
haud incumbere queant, quia plurimis intentus minus est
ad singula sensus: quo difficilius & operosius autem in ex-
colendis & addiscendis scientiis desideratos faciunt pro-
gressus, eo *perstinacius* & constantius semel susceptum stu-
dium & propositum prosequuntur; quæ qualitates tanto
magis *animi vires* afficiunt & reliquo *vigori*, *virali* ceco-
nomiæ

nomiæ impendendo remoram & obstaculum injiciunt: præter hæc tales eruditioni indulgentes sceminae multum *sedentaria* vitæ incumbunt, cum alias desidiam magis præoptant & observant, inde autem varias *sanitatis offensiones* experiuntur; ob id facile & *nimio* sanguine onerantur, & *spissitudine* ejus *morbifica* affliguntur; tales litteratæ sceminae pro reliqua *mentis reveritudine*, *sensibilitate* & *impatientia* facilius in singulis functionibus, ad *vitam* œconomicam spectantibus, fonticas experiuntur *alterationes*, indeque in *valexudinarium* incidunt statum, sub quo tanto magis a negotiis *domesticis* œconomicis & *sexum* usitatis respicientibus abstrahunt, & *speculationibus* atque meditationibus inhærent. Quemadmodum etiam alias *intensiores* mentis operationes & occupationes in sexu *sequiori* citius & *fortius corpus* afficiunt, inque hoc ominosas mutationes causantur, ita tanto magis *extraordinarium* studium litterarum varias vitam & sanitatem respicientes offensiones provocat. Nec *comparate* infrequenter tales sceminas *personalis* corporis & *sanitatis* alteratio affligit, quam ita *secrete* tolerant, indeque autem ab operibus *domesticis* & ad *sexum* spectantibus *abducuntur*, ut *aliis* meditationibus intentæ & attentæ sint, atque ita successive ad *scientiarum* studium atque culturam alliciantur. In plurimis autem talibus subjectis *quasi naturalis* est *novitatis* aviditas, sciola *curiositas*, & aliqualis mentis *inquietudo*, contentio & negotiosa atque imperiosa occupatio familiaris, cui *retiole curiosarum* historiarum, tractationum, controversiarum, inventionum ingeniosarum relationum illaqueantur, & ita clanculum magis magisque ad meditationes & acutas cogitationes invitantur & trahuntur, ut posthac *majo-*



rem & laboriosam magis *animi*, quam corporis curam habeant: præterea autem adeo exquisite regulis *dieteticis non* obtemperant, nec quoad regimen corporis talem ordinem & tale *moderamen* invenire, seligere & observare sciunt, quale ipsarum curæ & studio litterarum *congruum* & adæquatum est, quin magis ex *præjudicio* nimie *conscientiæ*, *philantia* & affectatæ suæ πολυμαθίας *sanitati* suæ magis *contrariam* vivendi methodum excogitant & amplectuntur. Præter has indicatas qualitates adhuc in ejusmodi scæminis observantur variæ *turbæ ordinarum* excretionum, præcipue *alvina*, quæ magis in *defectu* peccat, inde etiam variæ *connexæ* molestiæ affligere solent, quæ frequentem sanitatis *violationem* causantur: inde porro varia *ventriculi* incommoda, *cardialgia*, *stultentia*, inappetentia, atonia, bradypepsia, *spasmi*, præterea diversæ *morbosæ capitis* afflictiones, deinde multiplex *Mensium ataxia*, qui in aliquibus *parcius*, in aliis *largius*, in nonnullis *inordinatius* succedunt, oriuntur: unde porro facile *hystericis* pathematibus subjiciuntur: subinde autem vel corpore magis *gracilescent* & emarcescunt, vel *cachecticum* habitum induunt, vel admodum *pinguescunt*, & cum magna molestia *corpulentiores* redduntur; porro diversam sanguinis intemperiem, quam vulgo scorbuticam & purpuratam vocant, acquirunt: & sub quolibet tali statu *vacillante*, infirma & instabili sanitate laborant: sub hoc schemate *valexudinario* autem *psalteria* formant, & *poeticæ* arti operam dant, qua *piis* interdum meditationibus vitæ humanæ *fragilitatem* & imbecillitatem argute *tristifica* decantant elegia: Quo magis denique sub hoc ardore *prosciendi in litteris* sedentariæ vitæ inhæ-

inhærent, eo plures *morbosas* molestias accersunt, insuperque vires corporis *languidas* reddunt, ut sub continuo *accremento* facultatum mentis, vigor ac *robur vitæ* & sanitatis semper *decreseat*, proptereaque *citius* stadium vitæ naturalis percurrant & *præmatura* morte vitæ metam attingant.

§. VI.

Sed ne hæc tantum ex *nuda opinione* & præsumptione afferere & tractare videamur, intererit nonnullis *exemplis* hanc observationem probare: Hæc accusata autem & significata *infecunditas* in *quibusdam* doctis scæminis aut est *absoluta*, aut *relativa*. Constant exempla, quod *nonnullæ* tales scæminæ in matrimonio suo *plane steriles* extiterint, licet non *eminenter* & evidenter *valetudinariæ* apparuerint, in quibus causa nec in *manifestam* & fonticam morbosam dispositionem, nec in *maritum* conjici potest; quæ proinde, quia nec concipiunt, nec pariunt, attamen multum *sedentariæ* vitæ deditæ sunt, ac percommode, belle & indulgenter vivunt, cæteroquin *plena* diæta fruuntur, facile corporis *obesitatem* obtinent, id quod aliis scæminis ob alias causas minus scæcundis æque facile accidere potest: deinde quædam talium scæminarum *rardius*, rarius & *inordinarius concipiunt*, aut se concepisse nesciæ sunt, & ambigunt, ut & *molestius* & difficilius in utero gerunt, graviditatem *morbosam* & ancipitem patiuntur, facile *abortum* experiuntur, fœtum ad ordinarium & *naturalem* terminum *non* tolerant & gestant, fœtum *mortuum* operoso partu edunt, aut *precipitato* partu obruuntur, aut *periculosum* partum experiuntur, sicut modo supra & §. I. monitum fuit: quibus qualitatibus, characteribus & effectibus

bus in *talibus* feminis infœcunditas *individualis* manifesta redditur. Nec porro *exempla* defunt, quibus præsentem observationem confirmare possumus, e quibus illa quæ nobis constant brevibus significabimus. Innotuit nobis femina clara & honesta, docti viri uxor, & doctioris Parentis filia, in disciplinis Logicis, Moralibus, Politicis, Historicis, Heraldicis, Jure Naturæ, & Canonico, ut & Lingua Latina, Gallica & Græca exacte docta, quæ eruditionem vero suam ira prudenter occultavit, ut non nisi urgente necessitate eandem cum magna aliorum approbatione patefecerit; quæ inter alia capacitatis suæ specimina controversiam doctam inter Patrem & maritum super sententia Politica obortam, scripto quodam, testo nomine edito, in scia utraque dissentiente & litigante parte, composuit atque discussit; ejus maritus erat vir sanus, vigorosus & integer, ipsa autem per totum matrimonium multis annis durans, nullorum liberorum mater facta fuit: hæc in cœlibatu virgo fuit mediocris habitus corporis; posteaquam autem sub matrimonio majori ardore in splendida mariti bibliotheca studia sua exercuit, ipse etiam celebris & doctus maritus strenuam hanc occupationem erudito crebro discursu aut colloquio magis accendit, tunc contigit, ut feliciores in scientiis fecerit progressus. Alia talis femina nobilis Senatoris insignis scientiarum & bonarum artium promotoris conjux, exacto judicio instructa, prudens & docta, in Historia Ecclesiastica & Civili, Politica, Genealogia, Studio numismatico & monetario, Antiquitatibus Judaicis, Romanis & Græcis admodum docta, eximio studio diu noctuque lucubrationi & lectioni doctorum Scriptorum operam dans, quæ pariter per totum

tum matrimonium sterilis fuit, utut liberorum amantissima & desideratissima, quæ tamen successive sub tali studiorum cultura valetudinaria reddita fuit, & posteaquam duodecim annis pacificum & tranquillum matrimonium infœcundum transegit, denique hæctica febre expiravit. Tertia fœmina erat monialis virgo, quæ e monasterio fuga se salvavit & ad Evangelicam Ecclesiam transiit, postea a Doctore Medicinæ æque antehac Romano monacho, nunc converso in matrimonium ducta: utræque conjugatæ personæ erant optime sanæ, corpore firmæ & robustæ, illa in Theologia Pontificiorum exquisitè docta, in Bellarmini & Corn. a Lapide Scriptis versatissima, in Theologia Patristica valde exercitata, deinde etiam in Scriptis Evangelicorum Doctorum apprimè instructa: præterea autem in Scriptis PARACELSI, LULLII, GALENI, HELMONTII, in Chymia Paracelsifica & Galenica exactè docta, vexatissimis experimentis dedita, cum marito amplificam medicinam exercens: alchymicorum librorum & processuum æque studiosissima, novis inventis & experimentis impatienti fervore intenta atque insudans, quæ tamen perpetuo infœcunda mansit, licet animo atque corpore a naturali voluptate non abstemia fuerit: Denique quarta accedit docta mulier nobis nota, nobili aulico conjugio juncta, quæ res domesticas & œconomicas administrantibus personis tradidit, diu vero noctuque studiis elegantioribus & cultioribus operam dedit & indies colloquia & conversationes cum eruditis viris coluit, ita enim studiis inescata erat, ut modum amplius fervare haud potuerit, unde in talem excessum delapsa est, ut nec quiete amplius dormire, nec commode & sufficienter ingesta

D con.



concoquere potuerit, sed in medicorum manus incidit, quia Cachexia & lenta febre correpta aliquamdiu studiis se abdicare coacta fuit: curata quamvis nihilo tamen fecius infœcunda semper mansit: Hæc exempla nostra observatione adducere placuit, qualia alia plura & nobis & attentis observatoribus ita sine dubio cognita erunt, ut præsentis argumenti veritatem ulterius & uberius confirmare queant.

§. VII.

Ordinis ratio nunc postulat, ut *principalem* hujus *infœcunditatis* causam, cum reliquis connexis inquiremus, explicemus & applicemus: illa itaque a nobis vocata & accusata fuit *fecunditas animi*: per quam itaque intelligimus *strenuam*, alacrem, operosam, molestam atque indefessam mentis occupationem cum singulis facultatibus animi ad scientiarum & artium culturam directam, in quo negotio non modo *vires animi* vegetæ, acres, potentes, & ardentes sunt, ein scharfer, hoher, durchdringender und heroischer Verstand, sed & indefessa & *flagrans* propensio in litterarum studia cum iisdem conjuncta est. Quantum enim in subjectis *masculinis*, ad studia *navis*, *majusque* animi robor in hac cultura possidentibus, *nimius* ardor, immensa cura, *strenua* applicatio & exercitatio in hac occupatione ad *corporis* infirmitatem & singularum functionum economiæ vitalis enervationem & alterationem conferat, quotidianus usus & attenta observatio comprobat, id quod etiam alibi passim a D. PRÆSIDE diversis Scriptis indicatum & explicatum est, quod videl. *præmatura* & *præcox sapientia* cum *firma* sanitate & longa vita *haur* consentiat, aut ut dicere liceat, minus compatibilis sit. Quemadmodum etiam
magna

magna eruditio in *fœminis ravior*, insuper *sensibilior*, *flexibilior*, variisque arduis & *difficilibus* circumstantiis & qualitatibus magis obnoxius habitus est, ita illa in *corporis* œconomia variis *offensis*, alterationibus & enervationibus ansam præbere & potest & solet; sicut porro facultas concipiendi, gestandi, tolerandi, custodiendi, alendi & pariendi fœtum non modo *fontica* & *sensibilis*, sed etiam variis *animi* motibus & mutationibus subiecta est, ita *intensior* scientiarum cultura *generationis* negotium admodum labefactare & *d. bilizare* potest & solet. Proinde autem multa *exempla* ex abundanti confirmant, quod *strenuæ* applicationes *animi* ad certa objecta, meditationes, curas, inventiones, quas vulgo *schwehre und harte Kopff- Arbeit*, nominant, varias functiones, ad *vita naturalis* processum spectantes, pro individuorum discrepancia cohibeant, *turbent*, negligant & *impediant*, velut concoctionem, puri chyli præparationem, temperatam & convenientem sanguinis circulationem & distributionem, necessariam sanguificationem, nutritionem & quarumlibet fere evacuationum ordinarium continuationem. Propterea *operosa* studia, *ardua* & laboriosæ scientiarum culturæ magis motum humorum ad & *intra caput* invitant & alliciunt, *ab aliis* vicissim organis atque officiis magis *seducunt*, ideoque multas *ataxias* in *regulari* vitæ & *sanitatis* negotio causantur. Quo *sensibilia* & in laboribus suis *immoderatiore* sunt subiecta, qualia *communiter* tales fœminæ, in scientias *flagrantes*, sunt, eo certius tales *anomalie* in omnibus fere functionibus naturalibus metuendæ veniunt. Quo *minus* quælibet subiecta in quocunque opere, præcipue mentis operationibus sibi *moderari* sciunt & volunt, id

D 2 quod



quod frequentius in *sequiori* sexu obtingit, eo magis *economia vitalis* afficitur & alteratur. Quo magis *fœminæ capite teneriores*, omnibus fere sensibus externis sensibilibiores & flexiliores, subinde etiam faciliori *enervationi* obnoxia existunt, eo magis ardentior studiorum cultura *mentem & corpus* earum affligit, ut in *sonitico* negotio *generationis* graves mutationes oriantur. Quo magis porro *nocturnæ* lucubrationes & conjunctæ multæ & operosæ *vigiliæ vires* naturales debilitant, singulasque functiones, ad *ordinarium* vitæ & sanitatis statum pertinentes, *turbant* & confundunt, eo magis illæ arcanum, nobile & celebre negotium *fœcunditatis* alterare, *impedire* & pervertere possunt: quare multi medici ad illius *promotionem* & sublevationem *animi moderationem* commendant, omniumque excessuum, *mentem* affligentium, evitacionem præcipiunt & injungunt: Quo magis præterea animus *inordinate* officia quædam administrat, nunc *perinaci* prosecutione, & *morosa* coactione, wenn man eine Sache zwingen will, nunc *instabili* mutatione, aliorumque negotiorum *confusa* alternanteque tractatione, eo certius *corporis sanitas* læditur & *pervertitur*: quo magis itaque ac frequentius *talis* indoles in *fœminis*, impr. etiam *doctis* deprehenditur, eo facilius etiam *fœcunditatis* qualitas *turbatur* & sufflaminatur: Quo magis cum *ardore* proficendi in scientiis & pertinaci *philavria* in talibus *fœminis alii* affectus *parhetici*, velut magna indignatio, multa tædia, flagrans desiderium, imperiosus fastus &c. complicantur, eo certius præter *reliquam sanitatis* offensionem, hæc *sensibilis* fœcunditatis qualitas *alteratur*, confunditur, aut plane opprimitur.

§. VIII.



§. VIII.

Præmissa hac causa *principali*, ad talem *infecunditatem* corporis disponente, ejusque *generali* influxu in negotium *generationis*, nunc ulterius quasdam causas *intermedias* indicabimus, quæ hanc fecunditatis qualitatem *offendere* & sufflaminare solent; *operosa* iraque atque strenua scientiarum cultura *Mensum* negotium, quod cum Processu *generationis* essentialiter & exquisitè *consensit*, perquam *alterat* & afficit, ut *temperatum* successum & *naturalem* ordinem valde *violet*; hinc in *nonnullis* pro ratione *temperamenti*, status *plethorici*, sanguinis *generosi* nimumque fluidi ac *biliosi*, diætæ *lautæ*, immoderatorum *animi* pathematum concurrentium, *aliarumque* commotionum intensiorum *sanguinis*, imperuosæ & *prodigæ* eruptiones & fluxiones *Mensum* oriuntur, juxta illum nexum & *consensum*, qui inter *animam* & *motum sanguinis* intercedit, quam observationem sæpe diversis locis & occasionibus D. D. PRÆSES explicavit & probavit: In *aliis* vero subjectis, quibus *vasa* sanguifera *exiliora* & *teneriora*, reliquis *habitus* corporis ad *stricturam* & rigorem magis pronus, sanguis subinde *consistensior*, pinguior & *viscosior*, ob id etiam *canales* *sicciores* sunt, facile intensior, solertior & *operosior* *mentis* occupatio *menstruum* fluxum, quoad *modum*, *ordinem* & *quantitatem* ita alterat, ut *defectus* magis illius & *irregularis* successus consequatur: quo *laboriosior* enim animus in *capite* est, eo magis *periodicus* sanguinis motus *impeditur*, avocatur & detinetur, sicut alias ad *sensum* manifestum *strenua* & assidua animi operatio sanguinem *intra caput* allicit & convocat, ut *frons æstuet*, *genæ rufescant*, *venæ intumescant*,



oculi etiam *tumidiores* & *splendidiores* fiant: inde etiam facilius evenit, ut *ardentior* cultura scientiarum sanguinem *ab utero* magis *seducat* & *intra caput* invitet, hinc *menfes tardius*, impeditius, inordinatius & *parcius* succedunt, vicissim autem *menstruis* imprimis *periodis*, si nulla graviora pathemata affligunt, *capitis dolores* molestant, & *successivam* majorem menstrui negotii *ataxiam* pedissequam habent: & hæc ipsa subinde *efficacissima* causa ingruentis *infecunditatis* est, quoniam per *essentiam* & *naturalem ordinem* hæc *menstrua* purgatio uterina, quippe *singularis* occupatio in *officina generationis*, tam arcte, exquisite & *sensibiliter* cum *hac* functione cohæret; quam ut plurimum *ægre* & *perverse* sceminae, menstruatæ, qualescunque etiam aliæ huc contribuant causæ, in facultate *concupiendi* & *connexis* actibus multas experiuntur *difficultates* & anomalias, quo *potentior* & *celeriores* efficaciam & *insuxum* causæ *morales* in œconomiam *naturalem vitæ* & *sanitatis* habent, eo certior & eminentior pariter alteratio *fecunditatis* naturalis ab intensiori & ardentiori *mentis* operatione in studio litterarum, sceminis alias haud valde familiari, prædicanda & expectanda erit: quando insuper in talibus *eruditis* sceminis *alii* affectus animi pathetici *frequentius* & potentius concurrunt, ut antea indicatum fuit, id quod ut plurimum ita accidit, tunc *vis unita* fortior idem negotium *menstruum* facilius & potentius offendit & *perturbat*; siquidem alioquin *quotidiana* observatione ratum & probatum est, nullas alias, quam *morales* causas tam *celeriter* & *efficaciter* Menstruum fluxum turbare posse. Quemadmodum etiam communiter cum *mensum anomalo* statu *capitis* dolores, *congestiones*
anore-

anoterica & asthmatica pectoris oppressiones concurrunt, ita in scæminis acris, pertinax & strenua eruditionis profecutio *similes dolores capitis & pectoris* angustationes causatur, unde *reliquæ* functiones œconomiae *vitalis* graves patiuntur *alterationes*. Quoniam etiam eruditio *scæminis minus* familiaris & consueta, in *masculis* autem *magis* usitata est, ita in illis hoc exercitium *mentis* facilius *corporis vires* & facultates in *consensum* trahit. Sicut porro scæminæ *eruditioni* operam dantes *magis* de *calido* sic dicto temperamento participant, aut *aliam meditabundam* indolem possident, & *cholero-melancholici* habitus corporis sunt, ita in qualitatibus animi tales scæminæ & *immoderatae & perrinaces* existunt, eaque propter etiam in *alterandis* corporis functionibus *præcipites*, faciles, vehementes & *tenaces* sunt, quæ qualitates porro *præcipuam* illam functionem, per essentiam ad hunc *sexum* spectantes, videlicet negotium *generationis*, afficiunt & alterant, & primario quidem *Mensum* processum turbant, dein vero *alios anomalos* morus in *utero*, fecunditati valde *præjudiciosos*, causantur.

§. IX.

Hoc studium Sapientiæ & splendor Scientiæ in scæminis ob varias *alias intermedias* causas *infecunditatem* corporis procurare solet, quarum *nonnullas* adhuc addere & indicare allubet: ardor itaque proficiendi communiter involvit & infert tenacem *sedentariam* vitam, cui sub *strenua* librorum & scriptorum *lectione* ita indefesse inhærent, ut ægre abhinc deduci valeant: & dum *alias* scæminæ *magis desidia* indulgent, exceptis voluptuosis, vagis & inquietis individuïs, ita illæ eo *minus moderamen* in hoc vitæ

vitæ genere observare solent: hæc fuga motus corporis multorum *malorum*, *sanitati* valde infensorum, fons, mater & origo est: inde enim sanguis *superflua* & præjudiciofa quantitate colligitur, tardius, debilius & *impeditius* *circulatur*, *spissior* illius consistentia invitatur, *depurationes* ejus, ut & *se-* & *excretoria* functiones *turbantur* & sufflaminantur, *impuritates* coacervantur, *stagnationes*, *op-pletiones* & *infarctus* vasorum & organorum excitantur, *Mensum legitimus* & ordinatus successus impeditur & *pervertitur*, indeque in *utero*, quippe *officina fecunditatis*, ob vasorum sanguiferorum *abundantem* & *tortuosam* dispositionem & situationem varia *incommoda* alliciuntur; si itaque universum corpus quoad fluidas & solidas partes adeo eximie & multifarie alteratum & offensus, laboratorum autem generationis tantopere afflictum est, quidni propterea facultas illa *intricata* & *delicata* concipiendi magnis & multis *offensis*, *turbis* & impedimentis, unde denique *infecunditas* generatur, subjici debeat. Hæc strenua igitur lucubratio in certis subjectis *morbosam plethoram*, in aliis *suspectam* sanguinis *crassitiem*, in quibusdam perniciosam *Cacochymiam*, in nonnullis etiam vel naturalem, vel præternaturalem & cachecticam *obesitatem* causatur; quæ *posterior* etiam communiter *fecunditati* in scemini valde *contrariatur*, ut propterea a medicis illa *præcipuum* locum in serie causarum, *sterilitatem* inferentium, obtinuerit: quæ vero dum in talibus subjectis *raro solitaria* esse solet, ita cum *aliis præjudiciosis* causis & qualitatibus conjuncta, eo certius infecunditatem talem provocat. *Quantam* insuper *vim ardor* studiorum in *ventriculum* & hujus functionem habeat, *quotidiana* exempla in

mâscu-

masculino, quippe comparate *robustiori* sexu, comprobant: etenim non modo cum excessiva facultatum *mentis* applicatione studiis operam navantes sæpe *sine attentione* & grata appetitione cibum assumunt, ut quoad illum plane *obliviosi* & incogitantes sint, sed & propter idem flagrans studium, quia *incuriose* appetunt, *negligenter* masticant & *oscitanter* ingerunt, etiam *difficulter* & *incongrue* digerunt, *cruditates* congerunt, propterea etiam ventriculum & reliqua digestionis organa *onerant* & *enervant*, unde varii affectus *abdominales* iterum ortum trahunt, qui cum *uzero* facile *conspirant*, ejusque *usum* valde *impediunt*, imo plane destruunt: inde varia *digestionis* vitia, flatulentia, glandularum abdominalium infarctus, se- & excretionum confusiones, hypochondriacæ aut *hystericæ* afflictiones, colicæ molestiæ & inevitabiles *Mensium perturbaciones* oriuntur. Singulæ hæ causæ porro in *hoc sexu* atque ordine præjudiciosam & pertinacem *alvi exsiccationem*, indurationem & *adstrictionem* excitant, quæ vel cum *multis aliis* incommodis complicatur, vel talia plane allicit & *exacerbat*, ut intricatus & *complicatus* status *morbosus* facultatem *secunditatis* admodum *pervertens* & deprimens, inde oriatur. Quo *sensibiliores* præterea & ad *imbecillitatem* magis proclives sunt scæminæ, eo magis *vires animi* atque *corporis* ob flagrantem & *operosam* culturam scientiarum afficiuntur & *enervantur*, unde œconomia vitæ & sanitatis varia offendicula accidunt, quæ subinde negotium *generationis* valde labefactant, debilitant & perturbant: Quoniam etiam studiosa & laboriosa scientiarum cultura scæminarum *caput, cerebrum* & *nervos* perquam afficit, ita *reliquorum* organorum functiones *compariuntur*, unde etiam variæ *ataxia* oriuntur, quæ

ambom
E con-

concurrentibus aliis indicatis fanitatis alterationibus pari modo & efficacia fœcunditatis *vexatum* negotium æque *offendere* possunt & solent. Et quamvis tales causæ non *immediate*, proxime & *directe* a fœcunditate *animi* proveniant & fœcunditatem *corporis* hebetent, tamen *vinexus* & *consensus animæ* cum *corpore* tales alterationes in œconomia *corporis* alliciunt & excitant, ut denique *illa generationis* facultas graves inde offensas patiatur: unde liquet, quam *variæ* & *multæ* causæ ad *hanc* alterationem *præsens* argumenti & observationis contribuant.

§. X.

Ex hætenus dictis & explicatis respectibus Subjecta, statum rei s. observationem, causas, successus & eventus concernentibus, nunc coronidis loco nonnulla *consilia medica*, huc quadrantia, annectemus. Ante omnia autem *salibus* fœminis *sedata* aut facilis, placida, *moderata* & ordinata studiorum cultura commendanda est, ne *coactio* rigore & *operoso* ardore *vires animi* atque *corporis* turbent, impedian, seducant & *enervent*; quare *moderamen* in scientiarum studio *ordinem* functionum reliquarum *naturalium conservat*, nec fœcunditatis facultatem pervertit & supprimit: *evitandæ* propterea sunt *profundæ* lucubrationes, *molestæ* & fatigantes *vigilia*, arduæ & nimix *memoria* vexationes, *multarum* & discrepantium meditationum prosecutiones, imprimis autem constans *sedentaria* vita. Conservanda rectius *mens* erit in *serenitate*, tranquillitate, flexilitate & *lenitate*: multum conducit *moderata* & *constans corporis commotio*: alii *adversis* affectus animi arceantur: quodcunque vicissim mentem *exhilarat*, reficit, erigit & ad quamlibet placidam *gratiam* disponit, id observandum & applicandum erit: præterea fanitati admodum

modum proficiunt *jucundæ peregrinationes*, quæ animum ab *operosa* studiorum, cogitationum & meditationum prosecutione *avocant* & ad alias *sanitati* proficuas contemplationes, compellationes & conversationes invi-ant. *Diætam* instruant & observent *tenuem, liquidam* & eupeptam, quæ nec *sanguinem*, nec *alios* humores, præcipue autem *impuritates* adauget, sed quæ chylum *purum* & *temperatum* conciliat, sanguinem *diluit*, organa & canales *humectat*, se & excretiones *facilitat*, partes *roborat* & *æqualem* humorum *progressum* adjuvat: excludantur alimenta *cruda, crassa, multa* & aduersa *acida*, austera, adstringentia, *refrigerantia*, cruditates, flatulentias & *stricturas alvi* provocantia: omnia enim *primis viis infensa*, *Mensium* etiam negotio sunt *præjudiciosa*, quare *eruditæ* scæminæ, quavis sollicitudine caveant, ne undecunque Mensibus aliqualis *perturbatio* procuretur, quod facile *diæreticis* erroribus metuendum est: curam potius gerant, ut sano & *modico appetitu* victum capiant, in *alimentoꝝ* delectu non nimis *instabiles* sint, imprimis ut talia comedant quæ *alvinam* excretionem *facilitant* & simul *biliosam* impuritatem *educunt*; quo pertinent fructus esculenti dulces cocti: huc spectant embammata & juscula lenientia, herbacea: subinde curam gerant, ne *menstruus* fluxus aut in *excessu*, aut *defectu*, aut *ordine*, peccet; & si tale vitium ingruit, *sine mora* illud corrigendum erit, ne cunctatione & negligentia illud in *peruincem* statum & habitum ruat. Per temporis intervalla adhibeantur *Pediluvia*, quæ communiter *præcipuas excretiones* promovent, *mensium* fluxum *facilitant*, sanguinis *æqualem circuitum* adjuvant, *fluiditatem* illius conservant, *caput allevant*, congestiones a *capite* & *pectore* avocant, placidum *somnum* conciliant, ideo-

que multis modis *sanitatis* statui *subveniunt*. Ad *arcendam* *obefitatem* utantur *dieta tenui*, remiffius *acidulata*, victum *nunquam* ad *saturnitatem* capiant, corpus *folertius* moveant, *aque* & temperati *vin*i potu fruantur, aquarum etiam *mineralium*, aut *acidularum*, aut *thermarum* ufum congrue conjungant, sub *dieta leniora diuretica* e petrofelino, cichorio, asparago, cynosbato, fem. anifi, bacc. juniper. fynap. adhibeant; proinde *temperata ftomachica* ufturpent, ex herb. & feminib. foeminis imprimis proficuis, velut menth. meliff. falv. major. thym. rutæ abrotan. bacc. laur. fol. laur. fem. carvi, modico zinziberis; & quia per *hereditatem* a promatre Eva libenter liguriunt, ideo *apta condita roborantia* interdum ingerant: Potu etiam utantur *dilutiori* & *temperatori*; non refrigerante tamen, nec etiam valde generofa, ftirituofa, caput aggravante, moleftante & inebriante: Præter hæc interdum *mitiora diuretica* & *uterina* pharmaceutica conducunt, velut Effentiæ Succini, vincetoxici, anifi, bacc. juniperi, meliffæ, ariftol. rot. cum Spir. Sal. ammon. fociatæ, quæ media aliquando *uterum* alliciunt: huc pertinent nonnunquam *infeflus* cum herb. *uterinis* matricar. meliff. puleg. abrotan. menth. rutæ fl. chamom. vulg. aneth. &c. e quibus speciebus parati *fotus vaporofi* interdum adhiberi poffunt. Talia adminicula in *tantum* eruditarum foeminarum *fanitati* *subveniunt*, ut *fecunditatis* facultatem fimul *confervent* atque roborent. Quodfi denique in iisdem *proximior* ratio & confideratio *urgentis* & *morbifici* ftatus *plethorici*, *cacoehymici* & *ffiffitudinis* ftanguinis habenda veniat, tunc *fine otiofa expectatione* & *cunctatione* congrua eo pertinentia auxilia *ordinanda* & *adhibenda* sunt. An fecundum *Lonicerum* in hoc cafu & ftatu *Matricaria* fpecialem vim habeat foecunditatem promovendi, experientia confulenda erit. Sed plura huic tractationi addere hæud *inftituti* noftri ratio poftulat: ideo nunc calamum deponimus, & benigniffimo actionum humanarum directori, pro alma præfentis opellæ promotione humillimas reddimus gratias, eumque calidis flagitamus precibus, ut *ftingulis* nofttris laboribus *exoptatus* contingat *ftuccellus* & *falutaris* eveniat ufus atque

F I N I S.

Nobi-



NOBILISSIMO ET PRÆSTANTISSIMO
DOMINO CANDIDATO

SALUTEM AC INCREMENTUM PRECATUR

PRÆSES.

Quod Summus iustissimusque rerum humana-
rum Rector & Moderator propagationem ho-
minum augere & minuere, uterum fecunda-
re & occludere, aut abortientem reddere &
ubera marcida & exsucca facere queat, id in
Mose, Prophetis & Psalmis testatum constat. Liberi igitur
sunt donum Dei; nec ita fortuito occluditur matrix,
sed variis intermediis causis iuxta & divina Sapientia uti-
tur, quibus fecundas & steriles facere solet fœminas.
Quoniam igitur matrimonium multis periculis & offen-
diculis subiectum est, quæ generationis Processum etiam
afficere solent, ideo olim ethnici Romani Sponsarum o-
stia aut limina, quibus maritorum ædes ingredi debue-
rant frugifero unguento, aut oleo obliniverant, *vid. PLI-
NIUS L. 28. c. 9. ISIDOR. L. V. 8.* unde uxorem ab un-
guento, vel unguendo derivarunt, & unxorem vocarunt.
*vid. BRISSENIUS de ritu nuptiar. Cal. RHODIGINUS L.
A. L. 28. c. 17.* Fœcunditas igitur naturalis & multiplicatio
fructuosa progeniei semper & in omni gente in magno
æstimio habita, sterilitas contra eximium dedecus fuit,
conf. BARTH. Advers. Lib. 32. c. 3. ob id apud Ebræos
poma Mandragoræ venustæ Raheli a Sorore Lea degu-
standa exhibitæ fuerant, ut facilius conciperet *vid. JOSE-
PHUS L. 1. c. 28. Antiqu.* licet non sine ratione hoc medi-

E 3

um



um ad hunc finem, quippe stupefaciens & inrigidans, pro inidoneo declaraverit PFEIFFER *Cent. i. diffic. Script. Locor. c. 59.* quamvis alii vicissim certa interpretatione & relatione eorum pomorum utilitatem pro eodem scopo confirmarint. *vid. Casp. REJES. C.E.I. Qu. 43. FROMMANUS de fascic. p. 674. DOUGT. Annal. Sacr. Excurs. 19. Part. 1.* Non tamen cum illis consensum inire placet, qui in ignominiam matrimonialis fecunditatis, ut MAIMONIDES *in more Nebochim Part. II. c. 20. Jac. BÖHME, Antoinetta BOURIGNON, Job. Georg. GICHTEL in Theosoph. Send-Schr. P. I. p. 63. 171. Manasse Ben ISRAEL de Creat. probl. 26. p. 69. & Concil. in Genes. qu. 8. p. 14.* fabulam illam excogitaverant, quod prima creatione Maris & Fœminæ sexus in Adamo conjunctus, uterque autem post lapsum separatus fuerit *vid. GEIER. Comment. in Ps. 139 v. 5. EJ. Allgegenw. Gottes XIII And. p. 152. sq. LYRA in Genes. SPENERS Trau-Serm. IV. p. 33. Erasmi. FRANC. lustige Schau-Bühne P. 2. p. 380. sq. disp. WERSNDORF. de primo hominis statu, & WALCHII Einleit. in die Streitigk. auffer unster Kirchen P. IV. p. 899. 905.* Hujus fecunditatis autem & Infœcunditatis naturalis in fœminis diversæ innotere causæ etiam naturales; Posterius argumentum pro rhemate selecto Inauguralis disputationis TIBI NOBILISSIME CANDIDATE, indicandum, explicandum & ventilandum placuit. Posteaquam enim tempore quodam pro vicissitudine rerum TUARUM, & dilectissimi TUI DNI PARENTIS nutu, assensu & voluntate Curriculum Academicum ad metam, TIBI TUISQUE placitam, transegisti, inque illo in Theoria & Praxi Medica variis manuductionibus atque Collegiis utilissimas doctrinas laudabili seduloque studio collegisti, ideo nunc in Patriam vocatus academicis honoribus & privilegiis frui



particeps fieri cum Deo constituisti: de quo nunc favente affectu gratulor, Deumque precor, ut sub firma animi corporisve integritate, hujus messis academicæ largo fœnore fœcundos fructus capere & colligere queas; ita ut sub fœcunditate animi, indies magis magisque augescente, ab omni infœcunditate & infelicitate spiritali & temporalis salvus atque immunis vigeas, valeasque, de quo divinæ benedictioni animo corporeque fœcundissima gratiarum symbola & specimina offerre queas. Vale. Dab.

Halæ Magd. XIII. Calend. Maji. A. O. R.

c1o10ccxliiii.

Q Vis novus aspectus cito se speculantibus offert
Luminibus? quænamque oculis se sistit imago?
Nonne vident formam ter cari semper amici,
Stantis in excelso Parnassi culmine? Plura
Iam cumulant visum. Nam lauriger adstat Apollo,
Ac divina manus frondenti tempora ramo
Implicat, & simul omne decus laudemque merenti
Imponit capiti, prolem vocat hunc genuinam,
Mausarum plaudente choro, bona cuncta precante.
Nec fallit species animum, nec somnus amœnus
Præteriens umbras in mente relinquit inanes.
Vera rei facies est iam percepta profecto,
Omnia, quæ vidi, sunt viua, manentia, certa.
Hæc TIBI contingunt, dudum dilecte sodalis,
Longus amicitæ mihi quem coniunxerat usus,
Quam primo genuit generis cognatio suavis.
Artis Apollineæ studiis TV totus inhærens
Et fontes adiens liquidos, hinc omne salubre
Haufisti cupidus, fugiens incommoda nunquam,
Atque labore gravi minime deterritus vilo.

Jam



Jam TIBI, quos pridem meruisti, dantur honores!
Frons Phœbea caput dignum circumdat & ornat,
Ipsa TVI causa quam nunc Meditrina parauit.
Justa TIBI studii præclari præmia dantur
Assiduos nunquam qui destituere labores.
Applaudunt omnes & presso pollice poscunt,
Vt, quos ambieras merito, tradantur honores.
Hinc cum vota ferant cuncti sincera: quis essem,
Si cantus hilares ac acclamatio fausta
Non ex ore meo prodirent, tantus amicus
Cum tantus nostra laudes acquirat in Alma.
Sed non magniloquæ pompæ sublimia verba,
Nec globulos dicti mellitos quærere mens est,
Nec nitidos fœtus sperare licebit acuti
Ingenii. Paucis potius nunc apprecor omne.
Felix & faustum quicquid reputare solemus
Confluat & coeat, TE Fluminis irriget instar.
Omne revertatur, si quid prorumpere tentet
Teque agitare malum. Labor omnis cedat vt optas.
Ad patrium TE dulce solum comitetur vbiuis
Prosperitas cuncti generis, nec deserat vnquam.
Quorum vita TVÆ curæ mandabitur: illos
Serset & eripiat morti sollertia prudens.
Cumque brevi nostris statuas valedicere terris
Id precor, vt memor esse mei mens pergat amica,
Ac animus binus maneat conjunctus & vnus.

CHRISTIAN SIGISM. BECKER.

Medic. Candidat. Opponens.



01 A 6596

ULB Halle


3

002 932 504



1018





DISSERTATIO INAUGURALIS MEDICA,
DE

INFOECUNDITATE CORPORIS OB FOECUNDI- TATEM ANIMI IN FOEMINIS,

Von

Der Unfruchtbarkeit

AUSPI

Et Consensu atque Au

IN ALMA RE

P

DN. D. MICH

SACR. MAJ. REG. BORU

CONSILIARIO, MED

SORE PU

DECANO H.

Domino Patrono, Praeceptore ac

PRO GR.

SUMMISQUE IN MEDI

GIIS DOCTORALIB

HORIS

ANNO MD

PUBLICÆ AC PLACIDÆ

R

CARL GOT

NOBILIS S

HALÆ M

TYPIS JO. CHRISTIA

